

প্রথম পাতার পর-
আর এরপরেই কেন্দ্রীয় তদন্তকারী সংস্থার উপর পুলিশ এখনই কোনও ব্যবস্থা নিতে পারবে না বলে অন্তর্বর্তিকালীন নির্দেশে জানিয়েছে কলকাতা হাইকোর্ট। এমনকি নিম্ন আদালত এই বিষয়ে কিছু করতে পারবে না বলে জানিয়েছে হাইকোর্ট। যা অবশ্যই তদন্তকারীদের জন্যে স্বস্তি। তবে দীর্ঘ শুনানি শেষে বিচারপতি গঙ্গোপাধ্যায় নির্দেশে আরও জানান যে, কুস্তলের অভিযোগপত্র হাই কোর্টে পেশ করতে হবে। আর তা করতে হবে দক্ষিণ ২৪ পরগনার জেলা বিচারককে। এমনকি বেলা তিনটের মধ্যাএই কুস্তলের অভিযোগপত্র পেশ করার নির্দেশ দেওয়া হয়েছে।এমনকি হেস্টিংস থানায় কুস্তল প্রেসিডেন্সি জেল সুপারের মাধ্যমে যে অভিযোগ জানানো হয়েছে তাও পেশ করতে হবে। আর তা খোদ কলকাতা পুলিশ কমিশনারকে করতে হবে বলে জানিয়েছে বিচারপতি গঙ্গোপাধ্যায়। বলে রাখা প্রয়োজন, তদন্তকারী সংস্থার বিরুদ্ধে যে অভিযোগ কুস্তল করেছে সেই পত্রটি দেখতে চেয়ে কলকাতা হাইকোর্টের দ্বারস্থ হয়েছে এনফোর্সমেন্ট ডিরেক্টরেট। সেই মতো বুধবার বিচারপতি অভিজিৎ গঙ্গোপাধ্যায় দৃষ্টি আকর্ষণ করে ইডির আইনজীবীর।
আর সেই মামলাতে গুরুত্বপূর্ণ পর্যবেক্ষণ বিচারপতির। এমনকি অতিচাল্যকি করা হচ্ছে বলেও মনে করছে কলকাতা হাইকোর্ট। যা খুবই গুরুত্বপূর্ণ বলেই মনে করা হচ্ছে।



দাঙ্গাবাজদের সম্পত্তি নিলাম করবে রাজ্য, পাশে রাজ্যপাল

নিজস্ব সংবাদদাতা
কলকাতা:- রামনবমীকে ঘিরে পশ্চিমবঙ্গ জুড়ে, যে সাম্প্রদায়িক হানাহানির ঘটনা ঘটেছিল তার পরিপ্রেক্ষিতে রাজ্যপাল সিভি আনন্দ বোস রিষড়ায় গিয়ে বলে এসেছিলেন কঠোর পদক্ষেপ করা হবে দোষীদের বিরুদ্ধে। সরকারি সূত্রের খবর,ধৃতদের বিরুদ্ধে ওয়েস্ট বেঙ্গল মেইন্টেন্যান্স অফ পাবলিক অর্ডার (সংশোধিত) আইন ২০২৩ অনুযায়ী পদক্ষেপ করা হবে।, এই আইন অনুযায়ী দোষীদের জমি-বাড়ি-সহ সম্পত্তি বাজেয়াপ্ত করে তা নিলাম করা হবে এবং ওই সম্পত্তি বিক্রির টাকায় ক্ষতিগ্রস্থদের ক্ষতিপূরণ দেওয়া হবে। প্রসঙ্গত উল্লেখ্য ওয়েস্ট বেঙ্গল মেইন্টেন্যান্স অফ পাবলিক অর্ডার শীর্ষক মূল আইনটি ১৯৭২ সালের, ২০১৬ সালে আইনটি প্রথম সংশোধন করা হয়। আইনটি দ্বিতীয়বার সংশোধন করতে গত ফেব্রুয়ারি মাসে বিধানসভায় পাশ হয়।রাজ্যভবন সূত্রের খবর, রাজ্য সরকারের সংশোধিত বিলটিতে সায় দিয়েছেন রাজ্যপাল সিভি আনন্দ বোস।



শিশুরা পিতামাতার সম্পত্তি নয় এবং তারা পিতামাতার আইনি অধিকার নয়: বোম্বে হাইকোর্ট

নিউজ ডেস্ক
ধীমান কুন্ডু:- শিশুরা পিতামাতার সম্পত্তি নয়, জানাল বোম্বে হাইকোর্ট।বিবাহ বিচ্ছেদের মামলাচলা কালীন বেশিরভাগ ক্ষেত্রে স্বামী অথবা স্ত্রীয়ের মধ্যে মুখ দেখাদেখি বন্ধ হয়ে যায়, আর তার প্রভাব পড়ে, যদি ওই দম্পতি কোন সন্তান থাকে সেই সন্তানের মানসিক শান্তিতে। বিবাহ বিবাদ নিয়ে বোম্বে হাইকোর্টে চলা একটি মামলার সময় আদালত সন্তানদের অবস্থা পর্যবেক্ষণ করে। বিচারপতি আরডি ধানুকা এবং গৌরী গডসের ডিভিশন বেঞ্চ জানিয়েছে যে, পিতা মাতার তাদের সন্তানের ভাগ্যের উপর নিরঙ্কুশ অধিকার নেই। কারণ শিশুরা পিতামাতার সম্পত্তি নয় এবং তারা পিতামাতার আইনি অধিকার নয়।'



উপাচার্যের বিতর্কিত মন্তব্যের রিপোর্ট চাইল প্রধানমন্ত্রীর দফতর

নিজস্ব সংবাদদাতা
গত ২২ ফেব্রুয়ারি 'উপাসনা' গৃহে বসন্তোৎসব বন্ধের ব্যাখ্যা দিতে গিয়ে দুর্গাপূজো সহ বিভিন্ন বিষয়ে বিতর্কিত মন্তব্য করেন উপাচার্য বিদ্যুৎ চক্রবর্তী। কেন এবং কোন পরিস্থিতিতে এই সব মন্তব্য, সে বিষয়ে বিশ্বভারতীর কাছে বিস্তারিত রিপোর্ট চাইল প্রধানমন্ত্রীর দফতর। বিদ্যুৎ বাবু বলেছিলেন 'ইংরেজদের পদলেহন করতেই দুর্গাপূজোর সূচনা হয়। জমিদারদের মধ্যে প্রতিযোগিতা হত যে, কে কত জন ইংরেজকে, পূজোর অনুষ্ঠানে নিয়ে আসতে পারেন। পরবর্তীকালে দুর্গাপূজো ধর্মীয় অনুষ্ঠানের রূপ নেয়'। এই মন্তব্যের পরিপ্রেক্ষিতে উপাচার্যের বিরুদ্ধে প্রধানমন্ত্রীর দফতরে অভিযোগ জানায় শান্তিনিকেতন ট্রাস্ট। যদিও প্রধানমন্ত্রীর দফতরের রিপোর্ট তলব নিয়ে মন্তব্য করতে চাননি বিশ্বভারতী কর্তৃপক্ষ। প্রসঙ্গত উল্লেখ্য বিশ্বভারতীর দায়িত্ব হাতে পাওয়া পর থেকেই ক্রমাগত নানা বিতর্কে নাম জড়িয়েছে উপাচার্য বিদ্যুৎ চক্রবর্তীর।



একশো দিনের কাজের টাকা কেন্দ্রীয় সরকার আটকে রেখেছে বলে অভিযোগ তৃণমূলের। সেই টাকা আদায়ে বিজেপি নেতাদের ঘেরাওয়ার নির্দেশ দিয়েছেন অভিষেক বন্দ্যোপাধ্যায়। বুধবার বাঁকুড়ার ওন্দায় এক সভা থেকে তিনি এই নির্দেশ দেন।



২০১৯ সালের লোকসভা নির্বাচনে বাঁকুড়ার দুটি আসনেই জিতেছিল বিজেপি। ২০২১ সালের বিধানসভা নির্বাচনেও এই জেলার অধিকাংশ আসনে বিজেপিই জয়লাভ করে। ওই দুটো ভোটে বিজেপিকে ভোট দিয়ে জঙ্গলমহলের এই জেলার ভোটাররা আসলে পাপ করেছিলেন। এমনটাই মনে করেন তৃণমূলের সর্বভারতীয় সাধারণ সম্পাদক অভিষেক বন্দ্যোপাধ্যায়।



পঞ্চায়েত নির্বাচনে রাজ্যস্তরে কোনও জোট করবে না সিপিএম বা বামফ্রন্ট। বুধবার এই বার্তাই দিলেন সিপিএমের রাজ্য সম্পাদক মহম্মদ সেলিম



মালদহে আইসক্রিম বিক্রেতাদের ফুড সেফটি লাইসেন্স প্রদান

নারায়ণ সরকার, মালদা:- মালদহে গরম পড়তেই চাহিদা বাড়ছে আইসক্রিমের। তবে, জেলার বহু আইসক্রিম বিক্রেতাদের ফুড সেফটি লাইসেন্স নেই বলে অভিযোগ। এ ছাড়া পরিষ্কার পরিচ্ছন্ন ভাবে আইসক্রিম বিক্রিও করা হয়না বলে অভিযোগ। বুধবার, আইসক্রিম বিক্রেতাদের লাইসেন্স দিতে উদ্যোগী হল মালদহের ফুড সেফটি দফতর। এ দিন দুপুরে ইংরেজবাজার শহরের বালুরচরে জেলা ক্রীড়া সংস্থা ময়দান সংলগ্ন মাঠে শিবির করে আইসক্রিম বিক্রেতাদের লাইসেন্স দেওয়া হয়। এছাড়া আইসক্রিম বিক্রির ক্ষেত্রে বিক্রেতাদের সচেতন করতে পোস্টারও টাঙানো হয়েছে। এ দিনের অনুষ্ঠানে জেলার শতাধিক আইসক্রিম বিক্রেতা হাজির ছিলেন। হাজির ছিলেন ফুড সেফটি দফতরের জেলার কর্তারাও। তাঁদের দাবি, জেলা শাসক নীতিন সিংহানিয়াও অনুষ্ঠানে शामिल হয়েছিলেন। আইসক্রিম বিক্রেতাদের পাশাপাশি সাধারণ মানুষকেও সচেতন হওয়ার বার্তা দেন ফুড সেফটি দফতরের জেলা আধিকারিক প্রশান্ত বৈদিক।



কলকাতার বহুতলে দুর্ঘটনা, লিফট ছিঁড়ে মৃত্যু, লিফটম্যানের!

নিউজ ডেস্ক
কলিকাতার শেক্সপিয়ার সরণির একটি বাণিজ্যিক বহুতলের লিফট ছিঁড়ে ভয়াভহ দুর্ঘটনায় মৃত্যু হল লিফট ম্যানের। যে লিফটতে দুর্ঘটনা ঘটেছে, তাতে সকাল থেকেই কাজ চলছিল,কাজ চলার সময় হঠাৎই ছিঁড়ে যায় লিফটের কনভেয়ার বেল্ট, তিনতলা থেকে লিফটটি সোজা ওই লিফট ম্যানের ওপর পড়লে, ঘটনাস্থলেই মৃত্যু হয় লিফট ম্যানের। এই বহুতলেরই এক অফিসে চাকরি করেন, এমন একজন জানান 'লিফটটি বহু পুরনো, অনেক দিন ধরেই লিফটটি ঠিকঠাকভাবে কাজ করে না। সেটির রক্ষণাবেক্ষণও তেমন হয় না।'



পঞ্চায়েত নির্বাচন যত এগিয়ে আসছে, ততই উত্তাপ বাড়ছে রাজ্য রাজনীতিতে। পঞ্চায়েত ভোটের আগে এবার রাজ্যের শাসক দলের উদ্দেশ্যে চড়া সুরের হুঁশিয়ারি শোনা গেল বিজেপি রাজ্য সভাপতি সুকান্ত মজুমদারের গলায়। বুধবার কার্যত নাম করেই বীরভূমের দাপুটে দুই তৃণমূল নেতাকে হুমকি দিতে শোনা গেল সুকান্তকে। পাশাপাশি পঞ্চায়েত ভোটকে কেন্দ্র করে কোনও বিজেপি কর্মীর গায়ে আঁচড় লাগলে তার বদলা নেওয়া হবে বলেও প্রচ্ছন্ন হুমকিও দিয়েছেন সুকান্ত।



তিস্তা পারে চল্লিশ বছর পর রাস্তার শিলান্যাস, খুশি বাসিন্দারা

নিজস্ব সংবাদদাতা
জলপাইগুড়ি:- মঙ্গলবার বহু প্রতীক্ষিত জলপাইগুড়ির জুবলি পার্ক ১ নং স্পার থেকে ৯ নং স্পার পর্যন্ত রাস্তার শুভ শিলান্যাস করলেন বিধায়ক ডঃ প্রদীপ কুমার বর্মা। পঞ্চায়েত দপ্তরের আর্থিক সহযোগিতায় প্রায় চল্লিশ বছর বাদে তিস্তা পারে এই রাস্তা তৈরি হতে চলছে। আগামী কিছুদিনের মধ্যেই পুরো কাজ সম্পন্ন হবে বলে আশা প্রকাশ করেন মাননীয় বিধায়ক। এই অনুষ্ঠানে উপস্থিত ছিলেন এলাকার পঞ্চায়েতের আধিকারিক সহ সদস্যরা এবং স্থানীয় তিস্তা পাড়ের বাসিন্দারা। দীর্ঘ বহু বছর ধরে চলাচলের অযোগ্য ছিল রাস্তাটি, বিশেষ করে বর্ষা তে জল কাঁদায় ভরে থাকতো, ফলে সাধারণ মানুষকে যাতায়াতের জন্য অসুবিধার সম্মুখীন হতে হতো। রাস্তার শিলান্যাস হওয়ায় স্থানীয় বাসিন্দাদের মধ্যে খুশি ও আনন্দ পরিলক্ষিত হচ্ছে। স্থানীয় পঞ্চায়েত সূত্রের খবর চার কিলোমিটারের বেশি এই রাস্তা তৈরি করতে ১ কোটি ১২ লক্ষ ৬২ হাজার টাকা বরাদ্দ করা হয়েছে।



দেশের বিভিন্ন রাজ্যের মুখ্যমন্ত্রীদের মধ্যে সবচেয়ে 'গরিব' হলেন পশ্চিমবঙ্গের মুখ্যমন্ত্রী মমতা বন্দ্যোপাধ্যায়। দেশের ৩০টি রাজ্য ও কেন্দ্রশাসিত অঞ্চলের মুখ্যমন্ত্রীদের মধ্যে মমতার সম্পত্তির পরিমাণই সবচেয়ে কম, মাত্র ১৫ লক্ষ টাকা। নির্বাচন কমিশনের কাছে দেশের ২৮টি রাজ্য ও ২টি কেন্দ্রশাসিত অঞ্চলের মুখ্যমন্ত্রীরা যে হলফনামা জমা দিয়েছেন তার ভিত্তিতেই এই তথ্য উঠে এসেছে একটি রিপোর্টে। যদিও বর্তমানে জম্মু-কাশ্মীরে মুখ্যমন্ত্রী পদে কেউ নেই। তথ্য অনুযায়ী, দেশের সবচেয়ে বিতশালী মুখ্যমন্ত্রী হলেন অন্ধ্রপ্রদেশের জগনমোহন রেড্ডি। তাঁর মোট সম্পত্তির পরিমাণ প্রায় ৫১০ কোটি টাকা।



মায়ানমারের জুন্টা সরকারের গণহত্যার দায় স্বীকার, বিমান হানায় মৃত শিশু মহিলা সহ শতাধিক

মায়ানমারের সামরিক জুন্টা সরকার, জনগণের উপর বিমান হামলার কথা এবার স্বীকার করে নিল। বিমান হানায় কমপক্ষে ১০০ জনেরও বেশি নাগরিকের মৃত্যু হয়েছে। মৃতদের মধ্যে ছিলেন বহু শিশু ও মহিলা।বিরোধী আন্দোলনের স্থানীয় দফতরের উদ্বোধন করার উদ্দেশ্যে কানবালু টাউনশিপের পাজিগাই গ্রামে জড়ো হয়েছিলেন শতাধিক মানুষ, সেই সময় শুরু হয় আকাশ থেকে বোমাবর্ষণ।সেনা সরকারের এক মুখপাত্র জানিয়েছেন, ওই এলাকায় পিপলস ডিফেন্স ফোর্সের একটি কার্যালয় উদ্বোধনের অনুষ্ঠান চলছিল, সেখানেই এই হামলাটি করা হয়।



সর্বদা সত্যের খোঁজে...
আড়াই কোটি মানুষের ভরসা
পাঁচ বছর ধরে

সম্পাদকীয়

প্রিয় পাঠক,

বন্ধু সকল সামনে নববর্ষ। নতুন একটা বছর আসতে চলেছে আপামর বাঙালির জীবনের। কিন্তু কতটা আমরা বাঙালি আছি সেটা কিন্তু ভাবার সময় এসে গেছে। আজ আমরা নিজের মাতৃ ভাষা প্রায় ভুলতে বসেছি, সন্তানদের ইংলিশ মিডিয়াম স্কুলে ভর্তি করে প্রথম ভাষা ইংলিশ দ্বিতীয় ভাষা হিন্দি ও তৃতীয় আশা বাংলা সিলেবাসে দিচ্ছি।ফলে বাংলা ভাষাটাই অবহেলায় অতল জলে তলিয়ে যাচ্ছে, আমাদের নিজস্ব শিল্প, সংস্কৃতি, আচার, আচরণ সব কিছুতে আজ পাসত্যের হাওয়া। শুধু মাত্র এই বিশেষ কয়েকটা দিন ছাড়া কেউ মনে রাখি না বাংলা তিথি, তারিখ বা উৎসব। তাও যে দিন গুলো মনে রেখে পালন করি সেগুলোর মধ্যে বৈদেশিক সংস্কৃতির ছোঁয়া লেগে থাকে। শুনতে অদ্ভুত লাগে যখন আমাদের পরের বা তার পরের জেনারেশন বলে বাংলা লিখতে বা পড়তে জানিনা, ইংরেজিতে বাংলা লিখে দাও। যেন মনে হয় সোনার পাথর বাটি খুঁজছে।

বৈদেশিক সংস্কৃতিকে খারাপ বলছি না, কিন্তু নিজস্বতা হারিয়ে ফেলছি নিজেরাই। অথচ একটু বিদেশের দিকে তাকালে দেখবো ঝাঁকে ঝাঁকে বিদেশি মানুষজন আমাদের সনাতন ধর্ম ও সংস্কৃতিকে ভালোবেসে গৃহীত করছে প্রতিনিয়ত। আর আমরা ওদের কপি করছি। অদ্ভুত লাগে যখন দেখি একজন বিদেশিনী আমাদের পোশাক, আমাদের রীতি মেনে শ্রীকৃষ্ণের নাম গান করছে সম্পূর্ণ বিভোর হয়ে, নিজেকে মিশিয়ে দিয়েছে সেই সুর ও ছন্দে, তার পাশে আমাদের ঘরের মেয়ে দাঁড়িয়ে বিদেশী পোশাক পরে ওই বিদেশিনীর তালে তাল দিয়ে ঠোঁট নাড়ছে বা লুকিয়ে তাল দিচ্ছে হাতে বা পায়ে, তখন ভাবি এ কোন বাঙালি, নিজের সভ্যতার প্রকাশ করছে অন্য এক দেশের মানুষ প্রকাশ্যে, আর আমার দেশের মানুষ তাতে সঙ্গ দিচ্ছে লুকিয়ে। এর উত্তর আনার অজানা।

যায় হোক, আমরা যারা একটু পিছনের সারির বয়স্ক মানুষ তারা চেষ্টা করায় পুরানো ধারাকে ধরে রেখে আধুনিকতার সাথে সমঝোতা করে সবাইকে নিয়ে এগিয়ে যেতে ভবিষ্যতের পথে। আর বলো কলকাতা সেই পুরনো ও বাংলা রীতি ও রেওয়াজ কে ধরে রাখতে চায় নিজস্ব ভাবনায় আপনাদের পাশে নিয়ে, আপনাদেরকে সাথে নিয়ে। আজ এই পর্যন্ত। নমস্কার, ভালো থাকবেন আর নজর রাখুন আমাদের শুভ বাংলা নববর্ষের বিশেষ ক্রোর পত্রিকার দিকে, যা আসতে চলেছে একদম নতুন ভাবনায়, নতুন আঙ্গিকে সম্পূর্ণ বাঙালিয়ানা নিয়ে।

সৌমিক সান্যাল

সম্পাদক-বলো কলকাতা

বলো কলকাতা
FREE ePAPER
দৈনিক এ
FREE একদম বিনামূল্যে
বিত্তপত্র দিন
FREE +91 89105 39297
*Conditions Apply

FREE•FREE•FREE

আবার একটা
বড়ো সত্যি!

ফ্রি তে জীবনে কি কিছু পাওয়া যায়? যায়না তাই না? কিন্তু হ্যাঁ পাওয়া যায় আর সেটাই সত্যি করে দেখালো বলো কলকাতা দৈনিক ই পেপার।

এখন শুধু একটা ফোন আর পেয়ে যান একদম বিনামূল্যে একটি বিজ্ঞাপন বলো কলকাতা দৈনিক ই পেপারে।

তাহলে আর দেরি কিসের? ফোনটা হাতে নিন, আর ডায়াল করুন 8910539297

ওষুধ এবং চিকিৎসা
সরঞ্জাম চেয়ে মোদিকে
চিঠি, ইউক্রেন প্রেসিডেন্ট
জেলেনস্কির

নিউজ ডেস্ক

ইউক্রেনের প্রেসিডেন্ট ভলোদিমির জেলেনস্কি ওষুধ এবং চিকিৎসা সরঞ্জাম পাঠানোর আবেদন করলেন ভারতের প্রধানমন্ত্রী নরেন্দ্র মোদীকে। প্রসঙ্গত উল্লেখ্য ইউক্রেনের উপ-বিদেশমন্ত্রী এমিন জাপারোভা তিন দিনের সফরে ভারতে এসেছেন। বিদেশ প্রতিমন্ত্রী মীনাক্ষী লেখির সঙ্গে সাক্ষাতে তিনি ভারতীয় সংস্থাগুলিকে ইউক্রেন পুনর্গঠনে এগিয়ে আসারও আহ্বান জানিয়েছেন। আন্তর্জাতিক বিশেষজ্ঞদের মতে দীর্ঘমেয়াদি ভিত্তিতে যুদ্ধ জারি রাখতে গেলে যতটা শক্তিশালী অর্থনীতির প্রয়োজন হয়, তা ইউক্রেনের নেই। দেশের সাধারণ মানুষের জীবনধারণ ক্রমশ কঠিনতর হচ্ছে। এই অর্থনৈতিক পরিস্থিতিতে ভারতে এসে বিনিয়োগের বার্তা খুবই তাৎপর্যপূর্ণ। রাশিয়া ইউক্রেন যুদ্ধে শুরু থেকেই ভারত বারংবার বলে এসেছে, যুদ্ধ নয়, মীমাংসা করতে হলে আলোচনার টেবিলে বসা উচিত উভয় পক্ষের।

তীব্র তাপপ্রবাহের ফলে
উড়িষ্যায় বন্ধ স্কুল এবং
অঙ্গনারী কেন্দ্র


নিউজ ডেস্ক

অমিত পালিত:- উড়িষ্যা সরকারের পক্ষ থেকে তীব্র গরমের তাপ দ্বারা বাঁচবার জন্য উড়িষ্যার সমস্ত স্কুল এবং অঙ্গনারী কেন্দ্র বন্ধ করার নির্দেশ দিল। রাজ্যের সমস্ত সরকারি এবং বেসরকারি স্কুল দশম শ্রেণি পর্যন্ত বন্ধ রাখতে হবে। এর সাথে বন্ধ থাকবে অঙ্গনারী কেন্দ্র। সম্প্রতি প্রথম থেকে দশম শ্রেণি পর্যন্ত সমস্ত ছাত্রছাত্রীদের স্কুলের সময়সীমা সংশোধিত করে সকাল ৭ টা থেকে সাড়ে এগারোটা পর্যন্ত করা হয়েছিল এরপর হঠাৎ করে তাপমাত্রা বৃদ্ধি পাওয়ার জন্য সেই সংশোধিত বিজ্ঞপ্তি সংশোধন করে ১২ থেকে ১৬ই এপ্রিল পর্যন্ত উড়িষ্যার সমস্ত স্কুল এবং অঙ্গনারী কেন্দ্র বন্ধ রাখা নির্দেশ জানায়। একই সঙ্গে উড়িষ্যার একাদশ এবং দ্বাদশ এবং কলেজের ছাত্র-ছাত্রীদের সময় আগের মতনই থাকবে।

ঐতিহ্যবাহী বহু বছরের
পুরনো নন্দেশ্বরের
গাজন উৎসব

নিজস্ব সংবাদদাতা

পূর্ব বর্ধমান:- বাঙালীর বারো মাসে তেরো পার্বণ। চৈত্র মাসের শেষ দিকে বাংলার বিভিন্ন জায়গায় শুরু হয়েছে শিবের গাজন উৎসব। পূর্ব বর্ধমান জেলার কাটোয়া- ২ ব্লকের গাজন উৎসবগুলির মধ্যে অন্যতম শ্রীবাটী অঞ্চলের নন্দীগ্রামে নন্দেশ্বরের গাজন উৎসব। কাটোয়া- ২ ব্লকের বিভিন্ন জায়গায় গাজন উৎসব হলেও নন্দেশ্বরের গাজন উৎসব পুরোপুরি আলাদা এবং ঐতিহ্যপূর্ণ। জানা যায় প্রায় ২০০ বছরের পুরনো নন্দেশ্বরের গাজন উৎসব। এইবার সন্ন্যাসী হয়েছে ৫৫ জন। ১০ই এপ্রিল থেকে শুরু হয়েছে বাবা নন্দেশ্বরের কাছে সন্ন্যাসগ্রহণ। সন্ন্যাসীদের দেখভাল করেন যে,তাকে মউল সন্ন্যাসী বলা হয়। সোমনাথ রেজ হল মউলসন্ন্যাসী। মঙ্গলবার সন্ন্যাসীরা উড়তি নেয়। রাতে নন্দেশ্বর মন্দির প্রাঙ্গণে বোলান গানের আয়োজন করা হয়। গ্রামের যুবকদের সহযোগিতায় একটি দল গঠন করা হয়, সেই দলে ১৮ জন সদস্য রয়েছে। একজন ওস্তাদ দলের নেতৃত্ব দেয়। কিছু ছেলে- মেয়ে সেজে গান-নাচ করে। বোলান গান দেখতে বহু মানুষ ভিড় জমায় মন্দির প্রাঙ্গণে। সন্ন্যাসীরা বিভিন্ন ধরনের কলাকৌশল দেখায়। বুধবার সন্ন্যাসীরা গ্রামের নতুন পুকুরে স্নান করে ভট্টাচার্য্য বাড়ি থেকে শিব ঠাকুরে নিয়ে আসে নন্দেশ্বর মন্দিরে। সন্ন্যাসীরা ফল করে ঢাকের বাজনায়ে নাচতে নাচতে শিব ঠাকুরকে মাথায় নিয়ে গ্রাম পরিক্রমা করতে বের হয়। শিব ঠাকুরের গ্রাম পরিক্রমা দেখতে গ্রামের মোড়ে মোড়ে বহু মানুষ ভিড় জমিয়েছিল। মূলগ্রাম,কুরচিগ্রাম,পোস্টগ্রাম,শ্রীবাটীগ্রামে সমস্ত মানুষদের বাড়ি ঘুরে সন্ধ্যায় নন্দীগ্রামে ফিরে আসার রেওয়াজ রয়েছে। বৃহস্পতিবার নন্দেশ্বর মন্দিরে নীলের পূজো অনুষ্ঠিত হবে। নীলের পূজোয় শিবির বিয়ে অনুষ্ঠানের আয়োজন করে সন্ন্যাসীরা। শুক্রবার অনুষ্ঠিত হবে চরক মেলা। এই গাজনে উৎসবে আনন্দে মেতে ওঠেন গ্রামের মানুষেরা।

কিছু অবাক
মনবৈজ্ঞানিক তথ্য

- আমাদের ফ্যাশন এবং কোনো বস্ত্র পরিধান সরাসরি আমাদের মস্তিষ্কের সঙ্গে সম্বন্ধিত। যখন আমরা ভালো বস্ত্র পরিধান করি তখন আমাদের মন নিজে থেকেই ভালো হয়ে যায়। এবং আমরা বেশি আত্মবিশ্বাসী হয়ে পড়ি।
- একটি সার্ভে মোতাবেক একটি চাঞ্চল্যকর তথ্য উঠে এসেছে। সেটি হল- মে মাসে যে স বাচ্চারা জন্ম নেয়, তাদের ওজন অন্য মাসে জন্ম নেওয়া বাচ্চাদের ওজনের তুলনায় একটু বেশি হয়। এর পেছনে কি কারণ কাজ করছে, তা আজও খুঁজে পাওয়া যায়নি।
- আরেকটি সার্ভে অনুসারে, মানুষ টাকা দিয়ে সম্পত্তি কেনার চেয়ে ভ্রমণ, সিনেমা দেখা, খেলা দেখা ইত্যাদিতে বেশি সন্তুষ্ট হয়।
- আপনি চেষ্টা করলেও এক সময়ে তিন বা চারটির বেশি জিনিসের কথা কখনোই মনে রাখতে পাড়বেন না।
- যে সমস্ত ব্যক্তি নিজে নিজেই কথা বলে তারা আসলে স্মার্ট স্বভাবের হয়ে থাকে।

SS ADMEDIA
Digital Media Training
● News Reporting ● News Writing
● News Anchoring ● Video Editing
● Voice Over ● Mobile Graphics Design
● News Reading ● Story Writing
● Social Media Operating
● Digital Media Marketing
Training Course 6 Months (FREE)
NEWS **OPEN** 8240168370
*Conditions apply

মনগড়া খবর বানাই না,
সত্যকে খুঁজি আমরা।
কঠিন বাস্তব কে সামলে তুলে ধরি।
প্রকাশ না হওয়া টুকরো খবরের,
একমাত্র খাটি **BOLO KOLKATA**
সাথে থাকার জন্য
আজই আমাদের ফেসবুক পেজ
লাইক করুন...
সর্বদা সত্যের খোঁজে
BKOL KOLKATA



শ্যুটিং সেটে জখম সঞ্জয় দত্ত, কান্নাড়া ছবি KD র শ্যুটিংয়ের একটি দৃশ্যে বোমা বিস্ফোরনের জেরে মুখ,হাত এবং কনুইতে আঘাত লাগে তাঁর।

বাংলার শুভ নববর্ষের
প্রাক্কালে মৎস্য মেলা বসেছে
স্পেন্সার কোয়েস্ট মলে


নিজস্ব সংবাদদাতা

কলকাতা:- কথায় বলে,'মাছে ভাতে বাঙালি ছিলো' আছে এবং থাকবেও। আরও একটা প্রবাদ কথা আছে সেটি হলো-'বাঙালির বারো মাসে তেরো পার্বন'। আর এই কথাকে মাথায় রেখে বাংলার শুভ নববর্ষের প্রাক্কালে মৎস্য মেলা বসেছে স্পেন্সার কোয়েস্ট মলে।মাছ হলো এমন একটা খাবার যা সবার কাছে প্রিয়।বিভিন্ন প্রজাতির মাছের সমারোহ হয়েছে এই মেলায় ভোজন রসিকদের জন্য। বিশেষ আকর্ষণ ২৮কিলো ওজনের কাতলা মাছ। এই মৎস্য মেলা চলবে আগামী কয়েকদিন কোয়েস্টমল স্পেন্সারে।

গঙ্গার নিচ দিয়ে হাওড়া
পৌঁছলো মেট্রোরেলের
প্রথম রেক

নিজস্ব সংবাদদাতা

অবশেষে ইতিহাস গড়লো কলকাতা মেট্রোরেল। বুধবার দুপুর ১২টা নাগাদ মাত্র আধ ঘন্টার মধ্যে গঙ্গার নিচ দিয়ে ধর্মতলা থেকে রেকটি পৌঁছে গেল হাওড়া ময়দান। সকাল ১১ টা নাগাদ এসপ্ল্যান্ড থেকে মহাকরণের উদ্দেশ্যে রওনা দেয় মেট্রোর একটি রেক, ১১টা ৪০ মিনিট নাগাদ মেট্রোর রেকটি মহাকরণ থেকে রওনা দেয় হাওড়া ময়দানের উদ্দেশ্যে।গঙ্গার নিচ দিয়ে বিদ্যুতের মাধ্যমে মেট্রোর এই প্রথম যাত্রা সম্পন্ন হওয়ায়, শীঘ্রই এবার শুরু হবে ট্রায়াল রান। প্রসঙ্গত উল্লেখ্য গত রবিবার যে কাজটি হওয়ার কথা ছিল বিভিন্ন যান্ত্রিক কারণে তা না হলেও মেট্রোরেল বুধবার সেই কাজটি সম্পন্ন করলো।



১২ ই এপ্রিল বাংলার এক ঐতিহাসিক দিন! গঙ্গার নীচ দিয়ে এই দিন প্রথম হাওড়া মেট্রো কলকাতা পৌঁছালো! ভারতে এই প্রথম কোন নদীর নীচ দিয়ে যাতায়াত করতে শুরু মেট্রোর। হাওড়া থেকে এসপ্ল্যান্ড দুটি ট্রেন ট্রায়াল রান দেবে।



শিক্ষক দুর্নীতি কালন্ডের মধ্যেই নজির গড়লেন প্রয়াত শিক্ষিকার পরিবার, ক্ষুদেদের হাতে তুলে দিলেন শিক্ষা সামগ্রী

শুভঙ্কর ঘোষাল, হাবড়া:- সম্প্রতি নিয়োগ দুর্নীতি কাণ্ডে রাজ্যে যে বিতর্ক দেখা দিয়েছে তাতে শিক্ষক শিক্ষিকাদের মান এবং পড়াশোনা নিয়ে সন্দেহ তৈরি হয়েছে এক শ্রেণীর অভিভাবকদের মধ্যে। অথচ বছর দশেক আগেও কিন্তু পরিস্থিতি এমন ছিল না শিক্ষক-শিক্ষিকাদের ঈশ্বর তুল্য বলেই মনে করতেন অভিভাবক এবং ছাত্র-ছাত্রীরা। সেভাবেই তাদের স্নেহ পেতেন। তেমনি একজন শিক্ষিকা ছিলেন প্রতিমা চক্রবর্তী। কল্যাণগড় দ্বাদশপল্লী প্রাথমিক স্কুলের এই শিক্ষিকা ছাত্রছাত্রীদের খুবই ভালোবাসতেন, ২০১২ সালে তার মৃত্যু হয়। তারপর থেকেই তাঁর পরিবারের সদস্যরা এই মৃত্যু দিনটিকে বিশেষভাবে পালন করেন। প্রতিবছরই স্কুলের ছাত্র-ছাত্রীদের জন্য বিভিন্ন রকম উপহার ও শিক্ষাসামগ্রী বিতরণ করা হয়। এবারেও তার অন্যথা হয়নি বুধবার স্কুলের ক্ষুদে ছাত্রছাত্রীদের হাতে শিক্ষা সামগ্রী তুলে দিলো শিক্ষিকার পরিবার। উপস্থিত ছিলেন বিজ্ঞান মঞ্চের সদস্য প্রদ্যুৎ কর্মকার কল্যাণগর বিদ্যামন্দিরের শিক্ষক শঙ্কর দাস, শিক্ষিকার পুত্রসহ একাধিক শিক্ষক শিক্ষিকারা। শিক্ষা সামগ্রী রং পেন্সিল আকার খাতা পেয়ে স্বভাবতই উচ্ছ্বসিত খুদে পড়ুয়ারা। মোট ৬৪ জনের হাতে আজ শিক্ষা সামগ্রী তুলে দেওয়া হলো।



বর্জ্য পৃথকীকরণ সম্পর্কিত প্রচার অভিযান ও সমীক্ষা

নিজস্ব সংবাদদাতা
পূর্ব বর্ধমান:- বর্জ্য পৃথকীকরণ ও সঠিক ব্যবস্থাপনার লক্ষ্যে 'সুইচ অন ফাউন্ডেশন' ও 'পাল্লা রোড পল্লী মঙ্গল সমিতি' র যৌথ উদ্যোগে, বর্ধমান পৌরসভার ১৬ নং ওয়ার্ডের, তেলিপুকুর এলাকায় বাড়ি বাড়ি প্রচার অভিযান ও সমীক্ষা কর্মসূচি অনুষ্ঠিত হল। এদিন বেশ কিছু বাড়িতে গিয়ে বর্জ্য নিষ্কাশনে তারা কতটা সচেতন সেই নিয়ে সমীক্ষা চালানো হয় এবং এই বিষয়ে যে সকল মানুষ জ্ঞাত নয় তাদের সচেতন করা হয়। উদ্যোক্তাদের তরফে সন্দীপন সরকার জানান এই এলাকার প্রায় ৯৫ শতাংশ মানুষই এই বিষয়ে সচেতন, অভিজ্ঞতা ও মতামত জানতে, এদিন সাফাই কর্মীদের সাথেও কথা বলা হয়। সমাজকর্মী ও কাউন্সিলার রাসবিহারী হালদারের সহযোগিতায় এ দিনের এই কর্মসূচিতে, উপস্থিত ছিলেন বিশেষজ্ঞ অঙ্কিতা চক্রবর্তী ও রামকৃষ্ণ দত্ত।



বাঁকুড়ার ওন্দায় দলীয় জনসভায়, অভিষেক বন্দোপাধ্যায়

তৌসিফ আহম্মেদ, বাঁকুড়া:- মুখে অভিযানের কথা বলেও সাধারণ মানুষকে প্রচ্ছন্ন হুমকি দিলেন তৃণমূলের সাধারণ সম্পাদক অভিষেক বন্দ্যোপাধ্যায়। বুধবার বাঁকুড়ার ওন্দায় দলীয় এক জনসভায় বক্তব্য রাখতে গিয়ে তিনি বলেন, ২০১৯ ও ২০২১ এ আমাদের উপর আপনারা মুখ ফিরিয়ে নিয়েছিলেন, কিন্তু আমরা আপনাদের থেকে মুখ ফেইরানি। কিন্তু ২০২৩ এর পঞ্চায়েত নির্বাচনে আপনার অধিকার আছে যাকে ইচ্ছা ভোট দেবেন, আপনার অধিকারের স্বার্থে যদি ভোট না দেন তবে আপনার অধিকার নিয়ে তৃণমূল আর রাস্তায় নামবেনা। এর পরেই তিনি বলেন, এটা অভিমান হিসেবে বলে গোলাম।

দলের 'সর্বভারতীয়' তকমা হারানোর পর এদিনই প্রথম প্রকাশ্য জনসভায় যোগ দেন অভিষেক। এদিন তিনি আরও বলেন, আগামী ভোট বাংলার অধিকারকে সামনে রেখে হবে। পঞ্চায়েত নির্বাচনে প্রত্যেকটি রাজনৈতিক দল প্রার্থী দেবে। তবে কাকে ভোট দেবেন তা আপনার ব্যাপার।

অভিষেক বন্দ্যোপাধ্যায় এদিন নাম না করে বিজেপির রাজ্য সহ সভাপতি, বিষ্ণুপুরের সাংসদ সৌমিত্র খাঁকে ব্যক্তিগত আক্রমণ করেন। তিনি বলেন, 'এরা বাড়ির লক্ষীকেও রাখতে পারেনা। সুজাতা চলে এসেছে। যে বাড়ির লক্ষীকে রাখতে পারেনা সে লক্ষীর ভাগুরকে আক্রমণ করছে!'

বাঁকুড়ার দুই বিজেপি সাংসদকে আক্রমণ করে অভিষেক এদিন বলেন, সুভাষ সরকার, সৌমিত্র খাঁদের মাটিতে দেখা যায়না। কোভিডের সময় নিজের জীবন বিপন্ন করে তৃণমূল ছিল। সুখের বা আনন্দের সময় তৃণমূলকে না পেলেও দুঃখের দিনে তৃণমূল থাকবে বলে তিনি জানান।



বেতনের দাবিতে হুগলি টুঁচুড়া পৌরসভায় অস্থায়ী কর্মীদের বিক্ষোভ, আগামী দিনে সমস্ত রকম পরিষেবা প্রদান থেকে বিরত থাকার সিদ্ধান্ত কর্মী সংগঠনের

সন্তু মুখার্জী, হুগলী:- হুগলি জেলার টুঁচুড়া পৌরসভায় অস্থায়ী কর্মীদের পৌরসভা গেটের সামনে আবার ও বিক্ষোভ ও রাস্তা অবরোধ। বিগত তিন মাস বেতন না পাওয়ায় এই বিক্ষোভ দীর্ঘদিন ধরে চলে আসছে পৌরসভার অভ্যন্তরে। অস্থায়ী নিম্নল বন্ধু কর্মচারী সহ অস্থায়ী করনিক কর্মচারীদের সঠিক সময়ে বেতন না পাওয়ার বিক্ষোভ বিগত দিনেও দেখা গেছিল হুগলি টুঁচুড়া পৌরসভায়। অভিযোগ এ ব্যাপারে পৌরসভার কোন হেলদোল নেই। বারবার এইভাবে বিক্ষোভ মধ্যে দিয়ে অচলাবস্থা সৃষ্টি হচ্ছে হুগলী টুঁচুড়া পৌরসভায়, পরিষেবা থেকে বঞ্চিত হচ্ছে সাধারণ মানুষ। বিগত দিনে পৌর প্রধান সহ পৌর আধিকারিকেরা জানিয়েছিলেন পৌরসভার ফান্ডের অভাব থাকার দরুন সঠিক সময় বেতন দিতে অসুবিধা সম্মুখীন হতে হচ্ছে। বিগত তিন মাস বেতন না পাওয়া ও বারে বারে পৌর আধিকারিকদের প্রতিশ্রুতি ভঙ্গের পর বুধবার সকাল থেকেই অস্থায়ী কর্মীদের বিক্ষোভের ফলে, সম্পূর্ণ অবরুদ্ধ হয়ে পরে চকবাজার, পিপুলপাতি মেন রোড। ৩০ মিনিট অবরোধ চলার পরে পুলিশের অনুরোধে রাস্তা থেকে অবরোধ তুলে নিলেও, বিক্ষোভকারী কর্মচারীরা পৌরসভার গেটে তালা ঝুলিয়ে পৌরসভার গেটের সামনে ধর্মীয় বসে পরেন। এই ধর্মীয়, বিক্ষোভের ফলে চরম বিশৃঙ্খলার সৃষ্টি হয়। মারমুখী পরিস্থিতির সৃষ্টি হয় অস্থায়ী কর্মচারী ও পৌরপ্রধান গোষ্ঠীর মধ্যে। সর্বশেষ খবর অনুযায়ী হুগলি টুঁচুড়া পৌরসভার পৌরপ্রধান অমিত রায় অনুপস্থিত থাকার দরুন, সঠিক সময় বেতন দাবি নিয়ে যে বিক্ষোভ সারাদিন ধরে চলছে, সেই সমস্যার কোনও সমাধান হলো না। পৌরসভার সকল সিআইসি উপস্থিত হলেও পৌর প্রধানের অনুপস্থিতির কারণে সমাধান সূত্র বেরলো না। আগামীকাল থেকে পৌরসভা অচল ও আন্দোলন জারি থাকবে বলে জানান হয় কর্মী সংগঠনের পক্ষ থেকে। তারা জানান হুগলি টুঁচুড়া পৌরসভার অন্তর্গত কোন ওয়ার্ডেই কোনরকম জঞ্জাল নিষ্কাশন এর কাজ সহ পাইপ লাইনের কাজ, অ্যাম্বুলেন্স পরিষেবা ইত্যাদি সমস্ত রকম কাজ থেকে তারা বিরত থাকবেন।



মুখ্যমন্ত্রীর কুস পুতুলিকা দাহকে কেন্দ্র করে তুমুল দস্তাধস্তি পুলিশের সাথে

নিজস্ব সংবাদদাতা

পূর্ব বর্ধমান:- মঙ্গলবার সোনামুখী ব্লকের মানিক বাজার এলাকার স্বনির্ভর গোষ্ঠীর মহিলারা তাদের কয়েক কোটি টাকা দুর্নীতির অভিযোগে বিক্ষোভ দেখালে তাতে সামিল হয়েছিলেন সংসদ সৌমিত্র খাঁ, আক্রমণ করেছিলেন সোনামুখী থানার আইসি কে। বুধবার পুনরায় স্বনির্ভর গোষ্ঠীর মহিলাদের নিয়ে প্রতিবাদ মিছিল করে মুখ্যমন্ত্রী মমতা বন্দ্যোপাধ্যায়ের কুস্তলিকা দাহ করতে গেলে বাধা দেয় পুলিশ বলে অভিযোগ। সেখানে পুলিশের সাথে তুমুল ধস্তাধস্তি হয়।

মঙ্গলবার সোনামুখী ব্লকের মানিক বাজারে স্বনির্ভর গোষ্ঠীর মহিলাদের কয়েক কোটি টাকা দুর্নীতির অভিযোগের বিক্ষোভ সামিল হয়েছিলেন বিষ্ণুপুরের বিজেপি সাংসদ সৌমিত্র খাঁ। আজ পুনরায় স্বনির্ভর গোষ্ঠীর মহিলাদের নিয়ে সোনামুখী শহরে একটি প্রতিবাদ মিছিল করে সোনামুখী ব্লক অফিসের সামনে আসার পর বিষ্ণুপুরের বিজেপি সাংসদ সৌমিত্র খাঁ সোনামুখীর বিডিও অফিস সংলগ্ন এলাকায় মুখ্যমন্ত্রী মমতা বন্দ্যোপাধ্যায়ের পুস্তলিকা দাহ করতে গেলে পুলিশ বাধা দিলে বিক্ষোভকারীদের সাথে পুলিশের তুমুল ধস্তাধস্তি হয়। রীতিমতো সংসদের হাত থেকে অর্ধ দাহ পুষ্পপুতলিকা সোনামুখী থানার আই সি কেড়ে নিয়ে রাস্তার পাশে ছুড়ে ফেলে দেয় বলে অভিযোগ। এরপর সোনামুখী ভিডিও অফিসের সামনে বক্তব্য রাখেন বিষ্ণুপুরের বিজেপি সাংসদ সৌমিত্র খাঁ। মিছিল শেষে সৌমিত্র খাঁ বলেন, অভিষেক বন্দ্যোপাধ্যায় কে কটাক্ষ করে, ভাইপোর সর্বভারতীয় মুছে গেল, মুখ্যমন্ত্রীর স্বপ্নটাও ঘুচে যাবে। পিসিকেও তুমি হাটিয়ে দেবে, আর বাংলায় কয়লা খাচ্ছ, গরু খাচ্ছ, বাঁকুড়ার জমিগুলো খেতে আসছো নাকি, গরিব মানুষের রক্ত খেতে আসছো। অভিষেক বন্দ্যোপাধ্যায় কে তুই-তোকারি করে বলেন তুই চুরি করেছিস, তোর বউ চুরি করেছে, তোর শালী চুরি করেছে তোর বাপ চোর তাই বাঁকুড়ার মানুষের রক্ত খেতে আসছিস।

সমগ্র ঘটনায় প্রতিক্রিয়া তৃণমূল কংগ্রেসের বিষ্ণুপুর সাংগঠনিক জেলা তৃণমূল কংগ্রেসের শ্রমিক সংগঠনের সভাপতি সোমনাথ মুখার্জী বলেন, বিজেপির যারা নেতৃত্ব আছে তারা কুরুচি সম্পন্ন মানুষ। প্রশাসনের লোকের সাথে কি ধরনের আচরণ করতে হয় জানে না। সৌমিত্র খাঁ একটা বেকার সাংসদ ওর নামে কিছু বলা মানে পাগল ছাড়া আর কিছু নয়, স্বনির্ভর গোষ্ঠী নিয়ে যদি কোন দুর্নীতি হয় তার তদন্ত হচ্ছে। সৌমিত্র খাঁকে ঈশিয়ারি দিয়ে তিনি বলেন, সৌমিত্র খাঁ পরশুদিন থেকে বুঝতে পারবেন। সোনামুখীতে ঢুকতে গেলে বাপের বেটা হতে হবে।



তৃণমূল মাধ্যমিক শিক্ষক সমিতির ডেপুটেশন

নিজস্ব সংবাদদাতা

পূর্ব বর্ধমান:- শিক্ষার সার্বিক উন্নয়নের স্বার্থে, বিদ্যালয়গুলোর অসমাপ্ত কাজ দ্রুত শেষ করতে, শিক্ষাঙ্গনে সুস্থ্য কর্ম সংস্কৃতি বজায় রাখতে, ছাত্র ছাত্রীদের স্বার্থ সুরক্ষিত করার উদ্দেশ্যে পশ্চিমবঙ্গ মাধ্যমিক শিক্ষক সমিতির পূর্ব বর্ধমান জেলা শাখার পক্ষ থেকে পূর্ব বর্ধমানের ডি আই সাহেবকে একটু স্মারকলিপি প্রদান করা হয়। নেতৃত্ব দেন সংগঠনের জেলা সভাপতি তপন দাস। বুধবার জেলার বিভিন্ন ব্লক থেকে শিক্ষকরা ডি আই অফিসের সামনে জমায়েত হন, সেখানে উপস্থিত নেতৃত্বরা বক্তব্য রাখেন। বর্তমানে রাজ্য সরকার শিক্ষা ক্ষেত্রে যে বিপ্লব এনেছেন তা তুলে ধরেন। পরে প্রতিনিধিত্ব মূলক ভাবে ডি আই সাহেবের অফিসে গিয়ে তাঁকে তাঁদের দাবি পত্র বা স্মারকলিপি তুলে দেন। তাঁদের মূল দাবী ছিল গত ১০ মার্চ তারিখে বিদ্যালয়ে যে সমস্ত শিক্ষক অনুপস্থিত ছিলেন বিদ্যালয় থেকে সমস্ত প্রধান শিক্ষক ঠিক রিপোর্ট পাঠান নি। অনেক কেই সে দিনের জন্য সি এল বা মেডিক্যাল দেওয়া হয়েছে। এগুলো ডি আই সাহেব কে দেখার অনুরোধ করেন, রোপা ১৯ এর ফিক্সেশন দ্রুত করতে হবে, বকেয়া বেতন দ্রুত দিতে হবে, সহকারী প্রধান শিক্ষক দেওয়ার ব্যবস্থা করতে হবে বি এড না থাকায় যে সমস্ত শিক্ষক শিক্ষিকার বাৎসরিক বেতন বৃদ্ধি বন্ধ ছিল তা দিতে হবে। এগুলো ছাড়াও আরও অনেক দাবিই তাঁরা জানিয়েছেন। বুধবারের অনুষ্ঠানে উপস্থিত ছিলেন, জেলা সভাপতি তপন দাস, মাধ্যমিকের কনভেনর শুভাশীষ ভট্টাচার্য, অসিত সাহা, অতনু নায়ক, কৌশিক মল্লিক, দেবরত মুখার্জী, দেবদীপ চ্যাটার্জী, অজয় কুমার দত্ত, বিনায়ক বন্দ্যোপাধ্যায়, চাঁদ ঘোষ, সোমনাথ গুপ্ত সহ অন্যান্যরা। ডি আই শ্রীধর প্রামানিক তাঁদের দাবি গুলি সহানুভূতির সাথে দেখবেন বলেছেন।



পরিদর্শনে কেন্দ্রীয় প্রতিনিধি দল

নিজস্ব সংবাদদাতা

পূর্ব বর্ধমান:- পূর্ব বর্ধমান জেলার, মেমারি দু'নম্বর ব্লকে কেন্দ্রীয় প্রতিনিধি দল পরিদর্শনে আসেন বুধবার। ফের পূর্ব বর্ধমান জেলার মেমারি দু'নম্বর ব্লকে কেন্দ্রীয় প্রতিনিধিদল পরিদর্শনের এলেন। মূলত প্রধানমন্ত্রী আবাস যোজনার ঘরের বিভিন্ন বিষয়গুলি খতিয়ে দেখেন তারা। উপভোক্তরা তাদের বরাদ্দ অর্থ ঠিকমতো পেয়েছেন কিনা বা অর্থ পেলেও সেই অর্থ দিয়ে ঘর নির্মাণের পর তারা বসবাস শুরু করেছেন কিনা বা ঘর নির্মাণের কাজ সম্পন্ন হয়েছে কিনা এই সমস্ত বিষয়ে তারা খোঁজ খবর নেন প্রতিনিধি দলের আধিকারিকগণ।

কেন্দ্রীয় প্রতিনিধি সদস্যরা বোহার এক গ্রাম পঞ্চায়েতের অন্তর্গত সোতলা খালডাঙ্গা বিষ্ণুপুর এবং বিজুর দুই গ্রাম পঞ্চায়েতের গাগেশ্বর এলাকা পরিদ্রমণ করেন।



FREE

বলো কলকাতা

ePAPER

দৈনিক এ

FREE

একদম বিনামূল্যে

বিজ্ঞাপন দিন

FREE

+91 89105 39297

*Conditions Apply



আয়োজিত

DEBJIT SIR AWARD SHAROD SAMMAN

MEDIA PARTNER



মোঃ - ৮৬৯৭৭ ৭৫১২৩

বঙ্গীয় প্রতিভা অন্বেষণ ২০২৩

(প্রতিযোগিতামূলক)

অঙ্কন (সকাল ৯.৩০মিঃ)

ক্রাফ্ট (সকাল ১১.৩০মিঃ)

নৃত্য (দুপুর ২.৩০ মিঃ)

প্রতিযোগিতার
কেন্দ্র

হরিদেবপুর ৪১ পল্লী ৯ই এপ্রিল, ২০২৩, রবিবার যোগাযোগ - ৯২৩০৮ ১৮০৬৯

রাজডাঙ্গা নব উদয় সংঘ ২৩শে এপ্রিল, ২০২৩, রবিবার মোঃ - ৯৮৩০০ ৬৮৫২১

বাঘাঘাতীন বিবেকানন্দ মিলন সংঘ ৩০শে এপ্রিল ও ১লা মে, ২০২৩ মোঃ - ৯৩৩০৮ ৬১৯৯৮

পুরস্কার বিতরণী অনুষ্ঠান ১৪ই মে (রবিবার) বিকাল ৩টে
রামকৃষ্ণ মিশন ইনস্টিটিউট অফ কালচার, গোলপার্ক, দক্ষিণ কলকাতা